



www.BibleForChildren.org


Ioane 14



“Nugami ragai pia golugolu, e ragai pio tugamagitugamagi. Palagu pio vega-taunataunaa, e au maki pio vega-taunataunaku. Au Tamaku gena numai kovoga galagala vagi; pere aikina genai, ekila gomi ati para varami: Au aagona, gomi gemi kapu ta pana kala-maavua.”



“Ne aagona, gomi gemi kapu pana kala-maavua. Pana kala-maavu gatusa vou, pana waikule-wai, gomi panama vaimi au ria pita talu. Pe au ariginai pana talu, gomi maki au ria pita talu.”



Au Ioane, gomi walakavami e Velekou gena inagulu
takala-koukouana talimaku. Au gomi ria Iesu
aonai tavitiviti-koukouna, e Palagu gena



Basileia aonai
tatalu-koukouna, e
metau aorai
tavaigaokana e
taruga-gaugauna.



Au Palagu gena kila avopatagiana e Iesu valina
kilara avega-taunataunarana e
akilagi-matagairana galamanai,



Patmos mounai geve
tao-rakakwanikuto.



Ati lovana Veaga Palaguna na eporogikuto, ne wailaku ai talima ta kupa teronanai etanu-tagowai agitaato.




Ne Palagu na ekalarato gaura maparara kupa aonai,
tanopara atanai, tanopara kapulenai, e rawapara
aonai gaura maparara na emari
gegapi-itiato akamonagiato,
"Teronai etanu-tagona Palagu na e
Mamoe Natuna, tauria ruala na
vega-rage, vekuparage, ralema
iwavagina, e
tiavu pia gapira,
pene ago
vanagivanagi
ati ikana!"



Vanuga veagana kamuna agitaato, voo Ierusalema
valiguna kupa vanugana na Palagu genana emarigowai.
Ia vegarawa valigu garena garawana gena
gevega-rapugaana e geveakwago-vega-veniana
vetaina.




Ne karo kamuna ta akamonagiato terona na evogomaito, evetaina ekilato, "Ewagumona Palagu gena talukapuna taunilimalima ria, ia ewagumona taunilimalima aorai pene talu. Ira Palagu gena taunilimalimai pia ago, e Palagu matotauna ira lagarai pene talu, [e ira geria Palagu ai pene ago]."



Voia mulinai aneru na maguli nanuna waina
evega-gitakuto. Vonanu nekawaina waina kalaati
vetaina. Vonanu Palagu e Mamoe Natuna geria terona
na egalu-atito.



Vovanuga kamunai garo maekana e uve maekana ati pia wae, kwalana Palagu maekana ralemana vonai ewaena, e Mamoe Natuna siti gena lamepa.




Gau mamilona ta ati pene laka-toga, e nugarage e opakau kalara pene kalara talimana ta maki ativagi pene laka-toga. Raira Mamoe Natuna gena maguli pukanai araria etalo-vanagirato talimara geregariamo pia laka-toga.




“Ia na matara nanura maparara pene iruvagira.
Kwarega e tagi-wanonowanono, e tagitagi
kuluna ta e vitiviti pia aiki-vagi, kwalana
gau kunera maparara geaikito.”



Voanana pene vetina pene ago, talima ta atana'i pa tanopara atana'i Palagu gena paru ta ati pene wala. Palagu e Mamoe Natuna geria terona vanuga kamuna aonai, gena vetugunagi talimara na vetugunagina pia ago-veni. Ia wailana pia gitaa, e ia arana maki ira pakurai pene mia.



Ne kwarega talimara kamura e keira agitarato
voterona kulokulona kamuna wailanai. Ne puka reketa
ekala-pakarato. Vopuka ekala-pakarato mulinai, puka
ta maekala-pakaato, voia voo maguli pukana. Ne
kwarega talimara vopuka reketa aorai
geria kala etalo-vanagirato gelegelerai
Palagu na eagirorirato. Pene talima ta
arana maguli pukana ai
gerawaliato talimana,
vokalova kovunai
gepia-rigoato.



Veaga Palaguna e vegarawa valigu garena gekilana,
"Ono vogomai!" E pene kamonaigi talimana maki pene
kila, "Ono vogomai!" Nanuna pekala talimana pene
vogomai; e pene ririwa talimana, emaguli nanuna, ati
voina, pene niua.



Kwalana Palagu na tanopara
eulamagi-kamu-iwavagiato gaurai,
Natuna wala geregana evenirato,
gaurai ia pia kamonagi-venia
talimara maparara ati pia
kwarega, na maguli
vanagivanagi
pia vaia.



Roma 3:23

Kwalana taunilimalima maparara rakava talimaramo, pe maparara Palagu maekana ralemana iwavagina genana tagerevagito.

Roma 6:23

Kwalana rakava voina kwarega, a Palagu gena wareware gera Velekou Keriso Iesu genana pita gapia gauna maguli vanagivanagi.

Heberu 9:27

Evetaloto, taunilimalima maparara veganamo vagi pia kwarega, mulinai Palagu na pene agirorira.



Efeso 2:8,9

Gomi gemi kamonagi genana Palagu na gena vega-namai evega-magulimito. Gomi ati matotaumi gemi tiliga na govevega-magulito. Aikina, e Palagu gena vevega-nama ita evenirato. E ati gomi gemi inagulu pakurai voimi gogapiato ga una, pe talima taa na ragai pene veagi-agia.

Roma 10:9,10

Voo pene murumu na pono kila-matagai, "Iesu Vele kou," noponotiwa, nugamu garakauna na pono vega-taunataunaa, ia Palagu na kwarega na evega-kuliiti-waiato genai, Palagu na pene vega-magulimu. Kwa lana nugana garakauna na evega-taunataunaa talimana, Palagu wailanai kala rorirori talimanai eagona; e muruna na ekilagi-matagaiana, maguli erawaliana.



Ioane 3:16,17

Kwalana Palagu na tanopara eulamagi-kamu-iwavagiato gaurai, Natuna wala geregana evenirato, gaurai ia pia kamonagi-venia talimara maparara ati pia kwarega, na maguli vanagivanagi pia vaia. Kwalana Palagu na Natuna ema tugu-rigioato tanoparai, ati tanopara pene agiroria ulanana, na tanopara ia pakunai pene maguli gaurai.

1 Ioane 5:11-13

Kila taunatauna ea: Palagu na maguli vanagivanagi warau evenirato, e vomaguli vanagivanagi ia Natuna aonai. Palagu Natuna egapi-rageato talimana na maguli evaiato. A Palagu ati egapi-rageato talimana na maguli ati evaiato Ekilara gomi, Palagu Natuna arana govega-taunataunaana talimami, atalo-venimina, kwalana pio ripa, gomi warau maguli vanagivanagi govaiato.



Ioane 14; 2 Korinto 5; Vevega-matagai 4, 21, 22

Storyline by: Edward D. Hughes

Illustrated by: Lazarus
and Alastair Paterson

Adapted by: Sarah S.

Keapara, Kalo NT (khz) © 2004, Wycliffe Bible
Translators, Inc. All rights reserved.

<https://live.bible.is/bible/KHZPNG/MAT/1>

©2025 Bible for Children, Inc.

www.M1914.org

www.bibleforchildren.org

